

Referat frå møte i Utval for utdanning og internasjonalisering (UUI)

Tid: 10.09.2018, kl. 14.15-16.00

Stad: rom 435, HF-bygget

Til stades: Matti Wiik (undervisningsleiar), Erik Bjerck Hagen, Rolf Beev, Øivin Andersen, Torodd Kinn, Eirik Vassenden, Knut-Ove Arntzen, Aidan Conti, Bente Kiilerich, Sigrun Eilertsen (vara for Else Berit Molde), Signe Nilssen (sekretær), Oda Marie Villanger (studentrepresentant), Hanna Nakken (studentrepresentant), Jessica Hildonen (studentrepresentant).

Meldt forfall: Else Berit Molde

Saksliste

UUI-sak 17/18: Godkjenning av innkalling og sakslikste	2
UUI-sak 18/18: Orienteringssaker	2
O-sak 1: Referat fra førre møte i UUI	2
O-sak 2: Prosjektarbeid for timeplanlegging	2
O-sak 3: Frist for studie- og emneplanendringar	2
O-sak 4: Ressursbudsjett	2
O-sak 5: Nye rekrutteringstekstar til programsidene	2
UUI-sak 19/18: Diskusjonssaker	3
Diskusjonssak 1: Bestillingssystem hos Akademika	3
Diskusjonssak 2: Programsensorordninga	3
UUI-sak 20/18: Ymist	4

UUI-sak 17/18: Godkjenning av innkalling og saksliste

Innkalling og saksliste er godkjende

UUI-sak 18/18: Orienteringssaker

O-sak 1: Referat fra førre møte i UUI

O-sak 2: Prosjektarbeid for timeplanlegging

Det humanistiske fakultet har hatt ei arbeidsgruppe som har sett på korleis ein kan gjere timeplanlegginga meir effektiv og mindre sårbar. Det er foreslått at ein person frå kvart institutt får hovudansvaret for å planlegge for alle emna instituttet har. Denne personen skal då vere med i ei arbeidsgruppe som gjeld for heile fakultetet. Desse vil då gjere timeplanlegginga i fellesskap slik at ein kan ta omsyn til dei ulike utfordringane som finst, og fordele rom og tider på ein fornuftig måte.

Signe orienterte.

O-sak 3: Frist for studie- og emneplanendringar

Endringar i emne- og studieplanar gjeldande frå og med hausten 2019 må vere godkjende i programstyra før 1. november i år.

Signe orienterte.

O-sak 4: Ressursbudsjett

Sjå IR-innkalling til møte 30. august i år, sak 26/18 (vedlagt). Instituttrådet støttar forslag til rutine i høve ressursbudsjettering.

Matti orienterte.

O-sak 5: Nye rekrutteringstekstar til programsidene

UiB har starta eit større prosjekt som gjeld omarbeiding av programsidene med tanke på rekruttering. I høve dette må fagmiljøa og studieadministrasjonen bidra med informasjon til tekstar som skal presentere programma. Vi har fått ein forholdsvis kort frist, 24. september, til å melde tilbake til UiB sentralt.

Signe orienterte.

UUI-sak 19/18: Diskusjonssaker

Diskusjonssak 1: Bestillingssystem hos Akademika

Vi har fått melding frå Ivar Utne om at ordninga med å kjøpe bøker til lærarar via Akademika fungerer svært dårleg. Det er store forseinkingar frå Akademika si side. Korleis opplever fagmiljøa elles at dette fungerer? Bør vi legge press på UiB for å få til ei ryddigare ordning?

I diskusjonen kom det fram at slike problem først og fremst er kritiske når det skal bestillast bøker til nyttilsette. Det er likevel ein viss grad av misnøye over at systemet er såpass tungrodd. Alle slike bestillingar må gå via bestilling, til godkjenning hos administrasjonssjef og så tilbake til bestillar. Bøker blir dessutan sendt frå ein sentral som ikkje er i Bergen, og ein kan ikkje hente ut bøker på Akademika på Studentsenteret når bestillinga er godkjend.

På reiser må ein sjølv legge ut på førehand. Kvifor er det ikkje greitt i desse tilfella? Kan vi få til ein fleksibilitet i systemet som gjer at ein kan hente ut bøker på kort varsel på Akademika.

Fagkoordinatorane tar diskusjonen vidare i fagmiljøa og forhøyrer seg om dette er noko som skapar store problem.

Diskusjonssak 2: Programsensorordninga

Kva er grunnen til at det ikkje er fleire aktive avtalar på LLE? (Det same gjeld heile HF).

På nordisk er det til dømes slik at det i grunnen bør vere to ulike sensorar. Det er mykje arbeid å setje i gang, og ein ser ikkje heilt nytteverdien. Det er ikkje nok interesse for kvalitetsarbeid på makronivå. Det er òg press på staben, så det blir ikkje prioritert heilt. Bør ein lenke direkte til evalueringane på emne- og programsidene?

UUI-sak 20/18: Ymist

Ingen saker melde.